



977224

小序韻語



小序韻語
正園藏板

詩序韻語

楊氏塾本



小序之作

卜氏名商

漢有毛衛

潤益以詳

卜商衛人字子夏孔子弟子列文學科習於詩能通其義隋經籍志先儒相承謂毛詩序子夏所創毛公及衛敬仲更加潤益毛公名亨東漢時人陸璣毛詩草木蟲

坦園叢稿

詩序韻語

一

魚疏孔子刪詩授卜商商為之序以授魯人曾申申授魏人李克克授魯人孟仲子仲子授根牟子根牟子授趙人荀卿荀卿授魯國毛亨毛亨作訓詁傳以授趙國毛萇時人謂亨為大毛公萇為小毛公衛宏字敬仲西漢時人儒林傳宏好古學九江謝曼卿善毛詩迺為其訓宏從曼卿受學因作毛詩序

學者所宗

紫陽集傳

異同得失

參觀自見

紫陽朱子名熹字晦菴南宋時人從鄭樵之說攻小序著有詩序辨說自著集傳行

世我朝

欽定詩義折中有從序斥傳者有從傳斥序者是編所注先序後傳異同自見詩柄人人皆讀注概不及

關雎之什 王化所階

內哀窈窕 外思賢才

序關雎樂得淑女以配君子憂在進賢不淫其色哀窈窕思賢才而無傷善之心焉

坦園叢稿

詩序韻語

二

是關雎之義也 傳文王之妃妣氏思得淑女以共內職賦關雎

葛覃端本 女功不惰

卷耳求賢 審官輔佐

序葛覃后妃之本也后妃在父母家則志在于女功之事躬儉節用服澣濯之衣尊敬師傅則可以歸安父母化天下以婦道也 傳太姒將歸甯而賦葛覃 序卷耳后妃之志也又當輔佐君子求賢審官知臣下之勤勞內有進賢之志而無險詖私

謁之心朝夕思念至于憂勤也傳文王
遣使求賢而閔行役之艱也勞以卷耳

后妃逮下 樛木風和

螽斯不妬 子孫眾多

序樛木后妃逮下而無嫉妬之心焉傳
南國諸侯慕文王之德而歸心于周賦樛
木 序螽斯后妃子孫眾多也言若螽斯
不妬忌則子孫眾多也 傳周人慶文王
之多男而賦螽斯

坦園叢稿

詩序韻語

三

桃夭感昏 男女以正

兔置化行 賢人斯應

序桃天后妃之所致也不忌妬則男女以
正昏姻以時國無鰥民也 傳周人美后
妃之德終始婦道賦桃夭 序兔置后妃
之化也關雎之化行則莫不好德賢人眾
多也 傳文王得良臣于野周人美之賦
兔置

婦人有子 芣苢和平

德廣所及 漢廣以名

序芣苢后妃之美也和平則婦人樂有子矣
傳文王之時萬民和樂童兒歌謠賦
芣苢 序漢廣德廣所及也文王之道被
于南國美化行乎江漢之域無思犯禮求
而不可得也 傳文王化行南國男女知
禮詩人美之賦漢廣

汝墳化行 慕德歸止

世祿由禮 請歌麟趾

坦園叢稿 詩序韻語 卷一

四

序汝墳道化行也文王之化行乎汝墳之
國婦人閱其君子猶勉之以正也 傳受
辛無道商人慕文王而歸之賦汝墳 序
麟之趾關雎之應也關雎之化行則天下
無犯非禮雖衰世之公子皆信厚如麟趾
之時也 傳周人美其公子之多仁也賦
麟趾

鵲巢有德 致美夫人

采芣奉祀 婦職克申

序鵲巢夫人之德也國君積行累功以致
爵位夫人起家而居有之德如鳴鳩乃可
以配焉傳公子歸于諸侯國人觀焉賦
鵲巢序采蘋夫人不失職也夫人可以
奉祭祀則不失職矣傳諸侯之夫人勤
于親蠶國人美之賦采蘋

草蟲采蘋

胥言內子

以禮自防

循法共祀

序草蟲大夫妻能以禮自防也傳南國
之大夫聘于京師睹召公而歸心焉賦草
坦園叢稿詩序韻語卷一 五
蟲序采蘋大夫妻能循法度也能循法
度則可以承先祖共祭祀矣傳內子勤
于祭祀國史美之賦采蘋

甘棠南國

召伯化行

行露聽訟

女德稱貞

序甘棠美召伯也召伯之教明于南國
傳召康公勤于勞民燕人懷之賦甘棠
序行露召伯聽訟也衰亂之俗微貞信之
教興強暴之男不能侵陵貞女也

羔羊在位

節儉正直

殷雷勸義

不違家室

序羔羊鵲巢之功致也召南之國化文王之政在位皆節儉正直德如羔羊也傳大夫貞而能儉忠乎公室國史美之賦羔羊序殷其雷勸以義也召南之大夫遠行從政不違甯處其室家能閱其勤勞勸以義也傳召公宣布王命諸侯服焉賦殷其雷

坦園叢稿

詩序韻語

六

標梅無怨

男女及時

小星惠下

猶乎螽斯

序標有梅男女及時也召南之國被文王之化男女得以及時也序小星惠及下也夫人無妬忌之行惠及賤妾進御于君知其命有貴賤能盡其心矣傳小臣奉使而勤勞于公賦小星

江汜美媵

嫡知悔悟

野麕無禮

亂世猶惡

序江有汜美媵也勤而無怨嫡能悔過也
文王之時江沱之間有嫡不以其媵備數
媵遇勞而無怨嫡亦自悔也 傳諸侯之
夫人終容其媵也賦江有汜 序野有死
麕惡無禮也天下大亂強暴相陵遂成淫
風被文王之化雖當亂世猶惡無禮也
傳野人求昏而不能其禮女氏拒之賦野
有死麕

何穠下嫁

王姬不驕

坦園叢稿

詩序韻語

七

騶虞仁德

化應鵲巢

序何彼穠矣美王姬也雖則王姬亦下嫁
于諸侯車服不繫其夫下王后一等猶執
婦道以成肅雝之德也 傳齊襄公上娶
于王周人恥之賦何彼穠矣 序騶虞鵲
巢之應也鵲巢之化行人倫既正朝廷既
治天下純被文王之化則庶類蕃殖蒐田
以時仁如騶虞則王道成也 傳虞人克
舉其職國史美之賦騶虞

邶有柏舟

仁人不遇

夫人綠衣

陵于妾御

序柏舟言仁而不遇也衛頃公之時仁人不遇小人在側傳管叔封于邶與蔡叔霍叔康叔監殷四國害周公康叔諫不聽三叔遂以殷畔康叔憂王室賦柏舟序綠衣衛莊姜傷己也妾上僭夫人失位而作是詩也傳衛莊公之嬖人生州吁好兵莊姜憂之賦綠衣

莊姜送妾

燕燕宣風

坦園叢稿

詩序韻語

八

日月傷己

遭難困窮

序燕燕衛莊姜送歸妾也傳戴嬀歸于陳莊姜贈之于野賦燕燕序日月衛莊姜傷己也遭州吁之難傷己不見答于先君以至困窮之詩也傳衛州吁弑其君桓公莊姜歸于齊賦日月

終風隱憂

州吁狼子

擊鼓阻兵

勇而無禮

序終風衛莊姜傷已也遭州吁之暴見侮慢而不能正也傳莊姜見惡于公賦終風序擊鼓怨州吁也衛州吁用兵暴亂使公孫文仲將而平陳與宋國人怨其勇而無禮也傳州吁求寵于諸侯使公孫文仲帥師及宋公陳侯魯人蔡人伐鄭衛人怨之賦擊鼓

凱風七子

曲慰母心

雄雉于役

怨曠思淫

坦園叢稿

詩序韻語

九

序凱風美孝子也衛之淫風流行雖有七子之母猶不能安其室故美七子能盡其孝道以曲慰其母心而成其志爾傳邶之寡母欲去而子自訟焉賦凱風序雄雉刺宣公也淫亂不恤國事軍旅數起大夫久役曠安怨曠國人患之而作是詩傳管叔將畔大夫諫之賦雄雉

匏葉淫亂

衛宣斯刺

夫婦失道

谷風輕棄

序匏有苦葉刺衛宣公也公與夫人並為淫亂傳管叔以殷畔邶人風之賦匏有苦葉序谷風刺夫婦失道也衛人化其上淫于新昏而棄其舊室夫婦離絕國俗傷敗焉傳邶之良婦棄于夫賦谷風

式微失國

黎侯不歸

旄邱責衛

方伯無威

序式微黎侯寓于衛其臣勸以歸也傳黎大夫勸其君以歸國賦式微序旄邱

坦園叢稿

詩序韻語

十

責衛伯也狄人迫逐黎侯黎侯寓于衛衛不能修方伯連率之職黎之臣子以責于衛也傳狄侵黎黎侯出奔衛衛穆公不禮焉黎人怨之賦旄邱

簡兮失賢

下位不恥

不得歸甯

爰賦泉水

序簡兮刺不用賢也衛之賢者仕于伶官皆可以承事王者也傳邶之伶柬心乎王室賦東兮序泉水衛女思歸也嫁于諸侯父母終思歸甯而不得故作是詩以

自見也 傳宋桓姬閔衛之破也賦泉水

北門刺士 有志未伸

北風刺虐 百姓不親

序北門刺士不得志也言衛之忠臣不得其志爾 傳管叔以殷畔仕者苦之賦北門 序北風刺虐也衛國並為威虐百姓不親莫不相攜持而去焉 傳邶國危亂民人去之賦北風

坦園叢稿 詩序韻語 卷一 十一

靜女刺時 夫人無德

宣納伋妻 新臺是宅

序靜女刺時也衛君無道夫人無德 傳時不尚德詩人陳古以風之賦靜女 序新臺刺衛宣公也納伋之妻作新臺于河上而要之國人惡之而作是詩也 傳衛宣公納伋之妻國人惡之賦新臺

伋壽爭死 二子中流

共姜自誓

節著柏舟

序二子乘舟思伋壽也衛宣公之二子爭相爲死國人傷而思之作是詩也 傳宣公殺其世子伋及母弟壽衛人傷之賦二子乘舟 序柏舟共姜自誓也衛世子共伯蚤死其妻守義父母欲奪而嫁之誓而弗許故作是詩以絕之 傳衛世子餘未立而卒共姜誓以守志賦柏舟

牆茨烝淫

大倫既廢

坦園叢稿

詩序韻語

卷一

偕老失德

六珈奚貴

序牆有茨衛人刺其上也可子頑通乎國母國人疾之而不可違也 傳三叔構周公鄙人風之賦牆有茨 序君子偕老刺衛夫人也夫人淫亂失事君子之道故陳人君之德服御之盛宜與君子偕老也 傳宣姜不閑于禮國人風之賦君子偕老

男女淫亂

桑中刺奔

人不如鳥

用譬鵲鷦

序桑中刺奔也衛之公室淫亂男女相奔
至于世族在位相竊妻妾期于幽遠政散
民流而不可止 傳公室無禮衛人刺之
賦采唐 序鶉之奔奔刺衛宣姜也衛人
以爲宣姜鶉鶉之不若也 傳衛昭伯無
禮于宣姜國人惡之賦鶉之奔奔

衛文中興

定之作邑

蝮螫止奔

淫風乃戢

序定之方中美衛文公也衛爲狄所滅東
徙渡河野處漕邑齊桓公攘戎狄而封之
坦園叢稿 詩序韻語 卷一 三

文公徙居楚邱始建城市而營宮室得其
時制百姓說之國家殷富焉 傳僖公城
楚邱以備戎史克頌之賦楚宮 序蝮螫
止奔也衛文公能以道化其民淫奔之恥
國人不齒也 傳衛靈公召子都于宋國
人譏之賦蝮螫

相鼠無禮

干旄好善

許穆夫人

載馳自歎

序相鼠刺無禮也衛文公能正其羣臣而
刺在位承先之化無禮儀也 傳叔處不

義鄙人刺之賦相鼠序于旄美好善也
衛文公臣子多好善賢者樂告以善道也
傳衛武公好賢樂善國人美之賦于旄
序載馳許穆夫人作也閔其宗國顛覆
自傷不能救也衛懿公爲狄人所滅國人
分散露于漕邑許穆夫人閔衛之亡傷許
之小力不能救思歸唁其兄又義不得故
賦是詩也傳狄入衛衛戴公次于漕許
穆姬閔之賦載馳

衛武之德

淇澳美焉

坦園叢稿

詩序韻語

古

考槃有刺

莊公棄賢

序淇澳美武公之德也有文章又能聽其
規諫以禮自防故能入相于周美而作是
詩也傳衛武公好學明德國人美之賦
淇澳序考槃刺莊公也不能繼先公之
業使賢者退而窮處傳鄙人美其君子
不仕亂邦賦考槃

碩人無子

莊姜可閔

氓刺淫奔

歡情中隕

序碩人閔莊姜也莊公惑于嬖妾使驕上
潛莊姜賢而不答終以無子國人閔而憂
之傳衛莊公娶于齊國人美之賦碩人
序氓刺時也宣公之時禮義消亡淫風
大行男女無別遂相奔誘華落色衰復相
棄背或乃困而自悔喪其妃耦故序其事
以風焉美反正刺淫佚也傳女歸非禮
衰而見棄刺之賦氓

竹竿有作

衛女思歸

芄蘭刺惠

動與禮違

坦園叢稿

詩序韻語

五

序竹竿衛女思歸也適異國而不見答思
而能以禮者也傳宋桓姬之媵和其小
君之賦賦竹竿序芄蘭刺惠公也驕而
無禮大夫刺之傳童子不孫鄆人刺之
賦芄蘭

宋襄之母

河廣望遠

伯兮行役

過時不反

序河廣宋襄公母歸于衛思而不止故作
是詩也傳宋桓姬歸于衛思襄公賦河

廣序伯兮刺時也言君子行役爲王前驅過時而不反焉傳三叔以殷畔遂伐衛鄘人從軍其妻念之賦伯兮

有狐興刺

妃耦無人

齊桓定霸

木瓜恤鄰

序有狐刺時也衛之男女失時喪其妃耦焉古者國有凶荒則殺禮而多昏會男女之無夫家者所以育人民也傳國亂民貧君子傷之賦有狐序木瓜美齊桓公坦園叢稿詩序韻語也衛國有狄人之敗出處于漕齊桓公救而封之遺之車馬器服焉衛人思之欲厚報之而作是詩也傳朋友相贈賦木瓜

王風黍離

顛覆周室

于役忘危

平王之失

序黍離閔宗周也周大夫行役至于宗周過故宗廟宮室盡爲禾黍閔周室之顛覆彷徨不忍去而作是詩也傳王世子宜白弑其君幽王自立于維尹伯封過西都

而傷之賦黍離 序君子于役刺平王也
君子行役無期度大夫思其危難以風焉
傳戍者不歸室家思之賦君子于役

陽陽執樂

薄祿全身

揚水久戍

平不恤民

序君子陽陽閔周也君子遭亂相招為祿
仕全身遠害而已 傳景王好音大夫風

之賦君子陽陽 序揚之水刺平王也不
撫其民而遠屯戍於母家周人怨思焉

坦園叢稿

詩序韻語

七

傳荆伐申平王以周師戍申周人怨之賦
揚之水

中谷凶年

室家相棄

桓王失信

免爰亂致

序中谷有摧閔周也夫婦日以衰薄凶年
饑饉室家相棄爾 傳京師民流而怨賦

中谷 序免爰閔周也桓王失信諸侯背
叛搆怨連禍王師傷敗君子不樂其生焉

傳萇宏忠於王晉趙鞅殺之周人傷之
賦有兔

葛藟本根

平棄九族

采葛懼讒

君子日蹙

序葛藟王族刺平王也周室道衰棄其九族焉傳平王之族流散而怨賦葛藟

序采葛懼讒也傳桓王好讒大夫憂之賦采葛

大車多訟

刺周大夫

邱中思賢

莊無遠圖

坦園叢稿詩序韻語

大

序大車刺周大夫也禮義陵遲男女淫奔故陳古以刺今大夫不能聽男女之訟焉

傳周人行役而訊其家室賦大車序邱中有麻思賢也莊王不明賢人放逐國人思之而作是詩也傳畱子賢而退隱

周人嘉之賦邱中

鄭武濟美

緇衣盡職

將仲刺莊

兄道先失

序緇衣美武公也父子並為周司徒善于其職國人宜之故美其德以明有國善善

之功焉 傳鄭武公養賢而賦緇衣 序
將仲子刺莊公也不勝其母以害其弟弟
叔失道而公弗制祭仲諫而公弗聽小不
忍以致大亂焉 傳鄭莊公封弟段于京
祭足諫之不聽大夫風之賦將仲于

于田治兵

莊不能制

再賦于田

叔段益恣

序叔于田刺莊公也叔處于京繕甲治兵
以出于田國人說而歸之 傳大叔段多

坦園叢稿

詩序韻語

九

才而好勇鄭人愛之賦叔于田 序大叔
于田刺莊公也叔多才而好勇不義而得
眾也 傳段不義而得眾鄭人歸之賦大
叔

文失君道

清人水濤

羔裘表直

援古刺今

序清人刺文公也高克好利而不顧其君
文公惡而欲遠之不能使高克將兵而禦
敵于竟陳其師旅翱翔河上久而不召眾
散而歸高克奔陳公子素惡高克進之不

以禮文公退之不以道危國忘師之本故
作是詩也傳鄭文公使高克禦狄于境
不召師潰大夫憂之賦清人序羔裘刺
朝也言古之君子以風其朝焉傳子皮
爲政忠直文武子產美之賦羔求

言思君子

大路去國

好色雞鳴

譏不說德

序遵大路思君子也莊公失道君子去之
國人思望焉序女曰雞鳴刺不說德也
坦園叢稿詩序韻語
陳古義以刺今不說德而好色也傳夫
婦相戒以勤生樂善詩人美之賦女曰雞
鳴

有女刺忽

辭昏失援

美非所美

扶蘇諷焉

序有女同車刺忽也鄭人刺忽之不昏于
齊大子忽嘗有功於齊齊侯請妻之齊女
賢而不取卒以無大國之助至于見逐故
國人刺之傳鄭世子忽辭昏于齊祭仲

諫之賦有女同車 序山有扶蘇刺忽也
所美非美然 傳鄭靈公棄其世臣而任
狂狡子良憂之賦扶胥

擇兮狡童

刺天子忽

君弱臣強

陰盛陽伏

序擇兮刺忽也君弱臣強不倡而和也
傳公子五爭齊楚交伐鄭國大亂其臣謀
欲諫而救之賦擇兮 序狡童刺忽也不
能與賢人圖事權臣擅命也 傳子良諫
坦園叢稿 卷一 詩序韻語 三
用狂狡靈公不聽將去其國賦麥秀麥秀
詩逸或謂即狡童

大國正己

褰裳以思

昏姻道缺

刺以丰詩

序褰裳思見正也狂童恣行國人思大國
之正己也 傳子良去國不忘諫君賦褰
裳 序丰刺亂也昏姻之道缺陽倡而陰
不和男行而女不隨 傳公子小白適莒
齊人慕之賦丰

東門刺亂

國有奔女

君子遠行

懷人風雨

序東門之墀刺亂也男女有不待禮而相奔者也序風雨思君子也亂世則思君子不改其度焉傳齊桓公相管仲以匡天下齊人美之賦風雨

學校既廢

爰刺子衿

揚水搆亂

忽無忠臣

坦園叢稿

詩序韻語卷一

三

序子衿刺學校廢也亂世則學校不修焉傳東遷學廢君子傷之賦子衿序揚之水閔無臣也君子閔忽之無忠臣良士終以死亡而作是詩也

出門苦兵

室家莫保

人思遇時

澤沾蔓草

序出其東門閔亂也公子五爭兵革不息男女相棄民人莫保其室家焉傳鄭有貞士宜其妻不溺于流俗賦出其東門序野有蔓草思遇時也君之澤不下流民

窮于兵革男女失時思不期而會焉傳
曰季遇卻缺于冀薦于文公國人美之賦
野有蔓草

鄭有溱洧 淫風流行

齊有賢妃 旦警雞鳴

序溱洧刺亂也兵革不息男女相棄淫風
大行莫之能救焉傳鄭靈公好倡國人

化之君子譏之賦溱洧序雞鳴思賢妃
也哀公荒淫怠慢故陳賢妃貞女夙夜警

旦園叢稿詩序韻語 卷一 三

戒相成之道焉傳齊桓公好內衛姬箴
之賦雞鳴

還刺齊哀 獵車是競

著因昏禮 不知親迎

序還刺荒也哀公好田獵從禽獸而無厭
國人化之遂成風俗習于田獵謂之賢閑

於馳逐謂之好焉傳齊俗習于田賦營
序著刺時也時不親迎也傳齊俗昏

禮不親君子譏之賦著

東方之刺

禮教日衰

興居無節

未明失時

序東方之日刺衰也君臣失道男女淫奔不能以禮化也傳莊公無禮齊人刺之賦東方之日序東方未明刺無節也朝廷興居無節號令不時挈壺氏不能掌其職焉傳齊大夫相戒以勤于公賦東方未明

南山甫田

俱刺襄公

坦園叢稿

詩序韻語

卷一

內有獸行

外貪武功

序南山刺襄公也鳥獸之行淫乎其妹大夫遇是惡作詩而去之傳襄公雷姜氏于齊魯桓公不能制齊人刺之賦南山序甫田大夫刺襄公也無禮義而求大功不修德而求諸侯志大心勞所以求者非其道也傳景公欲求諸侯大夫風之賦甫田

盧令刺荒

從禽走狗

魯桓縱妻

穢騰敝笱

序盧令刺荒也襄公好田獵畢弋而不修
民事百姓苦之故陳古以風焉 傳襄公
好田大夫風之賦盧 序敝笱刺文姜也
齊人惡魯桓公微弱不能防閑文姜使致
淫亂為二國患焉 傳魯桓公會襄公于
濼遂與夫人姜氏如齊齊人刺之賦敝笱

攜眾載驅

齊襄播惡

猗嗟母淫

魯莊自若

坦園叢稿

詩序韻語

卷一

序載驅齊人刺襄公也無禮義故盛其車
服疾驅于通道大都與文姜淫播其惡于
萬民焉 傳襄公伐衛姜氏會之于師齊
人刺之賦載驅 序猗嗟刺魯莊公也齊
人傷魯莊公有威儀技藝然而不能以禮
防閑其母失子之道人以為齊侯之子焉
傳魯莊公會齊大夫特于禚齊人譏之
賦猗嗟

葛屨刺褊

彼汾刺儉

園桃傷時

國小苟免

序葛屨刺褊也魏地陋隘其民機巧趨利其君儉嗇褊急而無德以將之傳魏之內子儉不中禮媵者怨之賦葛屨序汾沮洳刺儉也其君儉以能勤刺不得禮也序園有桃刺時也大夫憂其君國小而迫而儉以嗇不能用其民而無德教日以侵削故作是詩也

陟岵行役

孝子思親

十畝失所

嗟彼小民

坦園叢稿

詩序韻語

三

序陟岵孝子行役思念父母也國迫而數侵削役乎大國父母兄弟離散而作是詩也序十畝之間刺時也言其國削小民無所居焉

伐檀懲貪

無功受祿

碩鼠重斂

民所怨毒

序伐檀刺貪也在位貪鄙無功而受祿君子不得仕進爾序碩鼠刺重斂也國人刺其君重斂蠶食于民不修其政貪而畏人若大鼠也

蟋蟀示儉

晉僖失禮

亦越昭公

山樞刺矣

序蟋蟀刺晉僖公也儉不中禮故作是詩以閔之欲其及時以禮自娛樂也此晉也而謂之唐本其風俗憂深思遠儉而用禮乃有堯之遺風焉序山有樞刺晉昭公也不能修道以正其國有財不能用有鐘鼓不能以自樂有朝廷不能洒掃政荒民散將以危亡四國謀取其國家而不知國人作詩以刺之也

坦園叢稿

詩序韻語卷一

毛

揚水椒聊

皆言桓叔

曲沃曰強

晉國曰蹇

序揚之水刺晉昭公也昭公分國以封沃沃盛強昭公微弱國人將叛而歸沃焉序椒聊刺晉昭公也君子見沃之盛強能修其政知其蕃衍盛大子孫將有晉國焉

綢繆國亂

昏姻失時

杕杜奚刺

宗族乖離

序綱繆刺晉亂也國亂則昏姻不得其時焉序杖杜刺時也君不能親其宗族骨肉乖離獨居而無兄弟將為沃所并爾傳魏之君子訓民孝弟賦杖杜

羔裘虐民 刺其在位

搗羽從征 莫伸孝思

序羔裘刺時也晉人刺其在位不恤其民也傳晉大夫賢國人美之賦羔裘序搗羽刺時也昭公之後大亂五世君子下從征役不得養其父母而作是詩也傳

坦園叢稿 魏人苦于征役不得終養賦搗羽

歎美晉武 無衣詠詩

兼其宗族 有杕刺之

序無衣美晉武公也武公始并晉國其大夫為之請命乎天子之使而作是詩也

傳曲沃稱弑其三君僖王命為晉侯唐人

刺之賦無衣序有杕之杜刺晉武公也武公寡特兼其宗族而不求賢以自輔焉

傳晉文公好賢賦杕杜

葛生死戰

采苓聽讒

吁嗟晉獻

將何以堪

序葛生刺晉獻公也好攻戰則國人多喪
序采苓刺晉獻公也獻公好聽讒焉

秦仲始大

車鄰斯盛

駟職啟封

襄公受命

序車鄰美秦仲也秦仲始大有車馬禮樂
侍御之好焉 傳襄公伐戎初命為秦伯

坦園叢稿

詩序韻語卷一

元

國人榮之賦車鄰 序駟職美襄公也始
命有田狩之事園囿之樂焉 傳襄公始
有田園之事秦人喜之賦駟職

小戎專征

戡平西域

蒹葭棄禮

無以定國

序小戎美襄公也備其兵甲以討西戎西
戎方強而征伐不休國人則矜其車甲婦
人能閔其君子焉 傳襄公遣大夫征戎
而勞之賦小戎 序蒹葭刺襄公也未能

用周禮將無以固其國焉 傳君子隱于川上國人慕之賦蒹葭

能取周地 終南戒襄

黃鳥刺穆 哀哉三良

序終南戒襄公也能取周地始為諸侯受顯服大夫美之故作是詩以戒勸之 傳襄公克戎始取周地秦人矜之賦終南序黃鳥哀三良也國人刺穆公以人從死而作是詩也 傳康公葬穆公以子車氏三子殉秦人哀之賦黃鳥 坦園叢稿 詩序韻語 卷一 三

晨風棄賢 康忘先業

好戰用兵 無衣勢脅

序晨風刺康公也忘穆公之業始棄其賢臣焉 序無衣刺用兵也秦人刺其君好攻戰亟用兵而不與民同欲焉 傳秦襄公以王命征戎周人赴之賦無衣

康公念母 送舅涇陽

禮賢終怠 權輿刺襄

序渭陽康公念母也康公之母晉獻公之女文公遭麗姬之難未反而秦姬卒穆公納文公康公時爲太子贈送文公于渭之陽念母之不見也我見舅氏如母存焉及其卽位思而作是詩也 傳晉重耳入于晉秦穆公送之賦渭陽 序權輿刺康公也忘先君之舊臣與賢者有始而無終也

宛邱游蕩

刺陳幽公

東門疾亂

歌舞成風

坦園叢稿

詩序韻語卷一

三

序宛邱刺幽公也淫荒昏亂游蕩無度焉 序東門之粉疾亂也幽公淫荒風化之所行男女棄其舊業亟會于道路歌舞于市井爾

誘掖僖公

衡門立志

東門之池

苦無賢配

序衡門誘僖公也愿而無立志故作是詩以誘掖其君也 序東門之池刺時也疾其君之淫昏而思賢女以配君子也

楊刺東門

昏嫁失時

陳佗不義

墓門有詩

序東門之楊刺時也昏姻失時男女多違親迎女猶有不至者也序墓門刺陳佗也陳佗無良師傅以至于不義惡加于萬民焉傳孔甯儀行父從君宣淫洩治刺之賦墓門

防有鵲巢

憂在讒賊

世園叢稿

詩序韻語

三

好德無人

月出好色

序防有鵲巢憂讒賊也宣公多信讒君子憂懼焉傳靈公信讒囚洩治內子憂之賦防有鵲巢序月出刺好色也在位不好德而說美色焉傳朋友相期不至賦月出

靈公宣淫

至于株林

澤陂淫佚

相思日深

序株林刺靈公也淫乎夏姬驅馳而往朝夕不休息焉序澤陂刺時也言靈公君臣淫于其國男女相說憂思感傷焉傳陳殺其大夫洩冶君子傷之賦澤陂

羔裘大夫 去國以道

不能三年 素冠服縞

序羔裘大夫以道去其君也國小而迫君不用道好潔其衣服逍遙游燕而不能自強于政治故作是詩也序素冠刺不能三年也

坦園叢稿

詩序韻語

卷一

萋楚淫恣 國人以憂

由衰及盛 匪風思周

序隰有萋楚疾恣也國人疾其君之淫恣而思無情慾者也序匪風思周道也國小政亂憂及禍難而思周道焉

曹昭小國 蜉蝣奢侈

共公遠賢 候人比匪

序 蜉蝣刺奢也昭公國小而迫無法以自守好奢而任小人將無所依焉序候人刺近小人也共公遠君子而好近小人焉

鳴鳩在位

用心不壹

下泉思治

霸業已失

序 鳴鳩刺不壹也在位無君子用心之不壹也傳曹叔振鐸為政有度國人為賦尸鳩序下泉思治也曹人疾共公侵刻下民不得其所憂而思明王賢伯也

坦園叢稿

詩序韻語

卷一

幽陳七月

王業艱難

鳴鳩救亂

周公力殫

序 七月陳王業也周公遭變故陳后稷先公風化之所由致王業之艱難也傳邠風陳農政也序鳴鳩周公救亂也成王未知周公之志公公乃為詩以遺王名之曰鳴鳩焉傳周公孫于魯殷人畔公憂王室勤王修政以備之賦鳴鳩

東山徂征

三年零雨

惡其流言

乃賈破斧

序東山周公東征也周公東征三年而歸勞歸士大夫美之故作是詩也一章言其完也二章言其思也三章言其室家之望女也四章樂男女之得及時也君子之于人序其情而閔其勞所以說也說以使民民忘其死其唯東山乎傳周公帥師征殷三年克之勞其歸士賦東山序破斧美周公也周大夫以惡四國焉

伐柯九罭

並美周公

坦園叢稿

詩序韻語

卷一

聖人履險

狼跋無凶

序伐柯美周公也周大夫刺朝廷之不知也序九罭美周公也周大夫刺朝廷之不知也傳周公歸于周魯人欲畱之弗克賦九罭序狼跋美周公也周公攝政遠則四國流言近則王不知周大夫美其不失其聖也傳周公居于魯魯人觀焉賦狼跋

羣臣嘉賓

鹿鳴燕樂

四牡勞來

使者歡躍

序鹿鳴燕羣臣嘉賓也既飲食之又實幣帛筐篚以將其厚意然後忠臣嘉賓得盡其心矣 傳鹿鳴伐木菁莪隰桑白駒皆所燕賢也 序四牡勞使臣之來也有功而見知則說矣

皇華遣使

在遠有光

無若管蔡

常棣無傷

坦園叢稿

詩序韻語

美

序皇皇者華君遣使臣也送之以禮樂言遠而光華也 序常棣燕兄弟也閱管蔡之失道故作常棣焉

朋友故舊

伐木相娛

下報其上

天保九如

序伐木燕朋友故舊也自天子至于庶人未有不須友以成者親親以睦友賢不棄不遺故舊則民德歸厚矣 序天保下報上也君能下下以成其政臣能歸美以報

其上焉

采薇遣戍

文王方伯

出車杖杜

胥勞率役

序采薇遣戍役也文王之時西有昆夷之患北有玃狁之難以天子之命命將帥遣戍役以守衛中國故歌采薇以遣之出車以勞還杖杜以勤歸也傳采薇勞師也序出車勞還率也序杖杜勞還役也

坦園叢稿

詩序韻語

卷一

魚麗備禮

萬物盛多

南陔白華

孝養延和

序魚麗美萬物盛多能備禮也文武以天保以上治內采薇以下治外始于憂勤終于逸樂故美萬物盛多可以告于神明矣傳魚麗嘉魚匏葉皆所以燕大臣也序南陔孝子相戒以養也序白華孝子之潔白也

時和歲豐

義取華黍

嘉魚樂賢

至誠相與

序華黍時和歲豐宜黍稷也有其義而亡其辭 序南有嘉魚樂與賢也太平之君子至誠樂與賢者共之也

南山得賢

基立太平

萬物由道

笙譜由庚

序南山有臺樂得賢也得賢則能為邦家立太平之基矣 序由庚萬物得由其道也 坦園叢稿 卷一 詩序韻語 美

崇邱由儀

辭佚于雅

崇象高大

儀者宜也

序崇邱萬物得極其高大也 序由儀萬物之生各得其宜也有其義而亡其辭

澤及四海

同樂蓼蕭

諸侯式燕

湛露三霄

序蓼蕭澤及四海也 序湛露天子燕諸侯也

諸侯有功 彤弓拜賜

長育人材 菁莪所致

序彤弓天子錫有功諸侯也 序菁莪者莪樂育人材也君子能長育人材則天下喜樂之矣

宣王北伐 六月出車

坦園叢稿 詩序韻語 卷一 堯

南征采芑 方叔馳驅

序六月宣王北伐也 序采芑宣王南征也

會獵車攻 宣王復古

吉日于田 選徒講武

序車攻宣王復古也宣王能內修政事外攘夷狄復文武之竟土修車馬備器械復會諸侯于東都因田獵而選車徒焉 傳車攻吉日閱武也 序吉日美宣王田也

能慎微接下無不自盡以奉其上焉

民散復聚

鴻雁美宣

庭燎早起

姜后無愆

序鴻雁美宣王也萬民離散不安其居而能勞來還定安集之至于矜寡無不得其所焉
傳鴻雁懷流人也
序庭燎美宣王也
因以箴之
傳庭燎勤政也

沔水以規

鶴鳴用誨

坦園叢稿

詩序韻語

罕

祈父刺王

役及禁衛

序沔水規宣王也
傳沔水念亂也
序鶴鳴誨宣王也
傳鶴鳴天子所以修身也
序祈父刺宣王也
傳祈招違命不道穆王西征祭公述民怨以諫賦祈招

白駒之刺

大夫所作

黃鳥我行

風俗寢薄

序白駒大夫刺宣王也
序黃鳥刺宣王也
序我行其野刺宣王也

考室考牧

斯干無羊

節彼正月

並刺幽王

序斯干宣王考室也

傳斯干落親宮也

序無羊宣王考牧也

序節南山家父

刺幽王也

傳桓王伐鄭家父諫之賦節

序正月大夫刺幽王也

傳西周喪敗

大夫傷之賦正月

十月之交

暨雨無正

坦園叢稿

詩序韻語

望

小旻小宛

傷哉周政

序十月之交大夫刺幽王也

傳皇父專

政大夫刺之賦十月之交

序雨無正大

夫刺幽王也雨自上下者也眾多如雨而非所以為政也

傳王室播遷大臣去之

近臣閔之賦雨無其極

序小旻大夫刺

幽王也序小宛大夫刺幽王也

小弁寫憂

天子之傅

巧言傷讒

大夫孔懼

序小弁刺幽王也。大子之傳作焉。伯奇見譖于後母，鄰大夫閔之，賦小弁。序巧言刺幽王也。大夫傷于讒，故作是詩也。傳大夫傷于讒，賦巧言。

蘇暴交絕

斥何人斯

讒及寺人

巷伯成詩

序何人斯，蘇公刺暴公也。暴公為卿士而譖蘇公焉。故蘇公作是詩以絕之。序巷伯刺幽王也。寺人傷于讒，故作是詩也。

坦園叢稿

詩序韻語

望

谷風俗薄

朋友道喪

蓼莪孝子

勞苦失養

序谷風刺幽王也。天下俗薄，朋友道絕焉。序蓼莪刺幽王也。民人勞苦，孝子不得終養爾。

大東刺亂

困役傷財

貪殘構禍

四月亂階

序大東刺亂也東國困于役而傷于財譚大夫作是詩以告病焉序四月大夫刺幽王也在位貪殘下國構禍怨亂並興焉

北山思親 役使不均

無將奚悔 悔將小人

序北山大夫刺幽王也役使不均已勞于從事而不得養其父母焉傳懿王之時大夫勞于王事賦北山序無將大車大夫悔將小人也

坦園叢稿 詩序韻語 望

小明大夫 悔仕亂世

樂是人非 鼓鐘以刺

序小明大夫悔仕于亂世也傳厲王出居于彘大夫從之賦小明序鼓鐘刺幽王也 賦鼓鐘傳昭王南游宴樂于淮大夫憂之

楚茨思古 歲豐介福

讀信南山 禹功不復

序楚茨刺幽王也政煩賦重田萊多荒饑饉降喪民卒流亡祭祀不饗故君子思古焉
傳南山楚茨甫田皆所以勸農也
序信南山刺幽王也不能修成王之業疆理天下以奉禹功故君子思古焉

甫田大田 幽王之失

傷今思古 自存無術

序甫田刺幽王也君子傷今而思古焉
序大田刺幽王也言矜寡不能自存焉

坦園叢稿 詩序韻語 卷一

器

瞻洛思古 賞罰克明

裳華刺今 世祿既輕

序瞻彼洛矣刺幽王也思古明王能爵命諸侯賞善罰惡焉
序裳裳者華刺幽王也古之仕者世祿小人在位則讒諂並進棄賢者之類絕功臣之世焉

桑扈上下 動無禮文

鴛鴦有節 萬物欣欣

序桑扈刺幽王也君臣上下動無禮文焉
序鴛鴦刺幽王也思古明王交于萬物
有道自奉養有節焉

幽王棄親

頌弁由起

車牽賢配

藉詆褒姒

序頰弁諸公刺幽王也暴戾無親不能宴
樂同姓親睦九族孤危將亡故作是詩也

傳頰弁燕親戚也

序車牽大夫刺幽

王也褒姒嫉妬無道並進讒巧敗國德澤
坦園叢稿

詩序韻語

豎

不加于民周人思得賢女以配君子故作
是詩也 傳車牽樂新昏也

大夫刺幽

青蠅讒害

衛武刺時

賓筵垂戒

序青蠅大夫刺幽王也 傳厲王信讒大
夫憂之賦青蠅 序賓之初筵衛武公刺
時也幽王荒廢媒近小人飲酒無度天下
化之君臣上下沈湎淫佚武公既入而作
是詩也

鎬京將失

魚藻思周

采菽攸刺

侮慢諸侯

序魚藻刺幽王也言萬物失其性王居鎬京將不能以自樂故君子思古之武王焉
序采菽刺幽王也侮慢諸侯諸侯來朝不能錫命以禮數徵會之而無信義君子見微而思古焉

角弓信讒

兄弟相怨

坦園叢稿

詩序韻語

吳

菀柳無親

莫來朝見

序角弓父兄刺幽王也不親九族而好讒佞骨肉相怨故作是詩也
序菀柳刺幽王也暴虐無親而刑罰不中諸侯皆不欲朝言王者之不可朝事也
傳厲王不禮于諸侯諸侯相戒以避之賦菀柳

刺都人士

衣服無常

曠夫怨女

采綠孔傷

序都人士周人刺衣服無常也古者長民衣服不貳從容有常以齊其民則民德歸壹傷今不復見古人也傳君子懷西周之風俗賦都人士序采綠刺怨曠也幽王之時多怨曠者也傳周人從軍室家怨之賦采芣

黍苗膏潤

誰為召伯

隰桑思賢

求之不得

序黍苗刺幽王也不能膏潤天下卿士不能行召伯之職焉傳黍苗城申也序坦園叢稿詩序韻語卷一隰桑刺幽王也小人在位君子在野思見君子盡心以事之

以妾為妻

白華黜后

縣蠻刺亂

大臣之咎

序白華周人刺幽后也幽王取申女以為后又得褒姒而黜申后故下國化之以妾為妻以擊代宗而王弗能治周人為之作是詩也傳申后見黜賦白華序縣蠻微臣刺亂也大臣不用仁心遺忘微賤不旨飲食教載之故作是詩也

瓠葉微薄

禮不以廢

漸漸苦兵

下國是懟

序瓠葉大夫刺幽王也上棄禮而不能行雖有牲牢饗餼不肯用也故思古之人不以微薄廢禮焉序漸漸之石下國刺幽王也戎狄叛之荆舒不至乃命將率東征役久病于外故作是詩也

蒼華可閔

戎夷日侵

坦園叢稿

詩序韻語卷一

吳

世亂民散

何草以吟

序苕之華大夫閔時也幽王之時西戎東夷交侵中國師旅並起因之以饑饉君子閔周室之將亡傷已逢之故作是詩也序何草不黃下國刺幽王也四夷交侵中國背叛用兵不息視民如禽獸君子憂之故作是詩也傳桓王好兵士卒苦之賦何草不黃

大雅文王

受命作周

大明明德 二聖承休

序文王文王受命作周也 序大明文王有明德故天復命武王也

緜周之興 大王所肇

文能官人 棫樸壽考

序緜文王之興本由大王也 序棫樸文王能官人也

世修先業 早麓受祖

坦園叢稿 詩序韻語 卷一 兪

文所以聖 思齊攸取

序早麓受祖也周之先祖世修后稷公劉之業大王王季申以百福于祿焉 序思齊文王所以聖也

皇矣美周 世德克恢

民樂靈德 是謂靈臺

序皇矣美周也天監代殷莫若周周世世修德莫若文王 序靈臺民始附也文王

受命而民樂其有靈德以及鳥獸昆蟲焉

下武繼文 有聲繼伐

武有聖德 受命守法

序下武繼文也文王有聖德復受天命能昭先人之功焉 序文王有聲繼伐也武王能廣文王之聲卒其伐功也

生民尊祖 后稷開基

坦園叢稿 詩序韻語 卷一 五

行葦忠厚 福祿攸宜

序生民尊祖也后稷生于姜嫄文武之功起于后稷故推以配天焉 序行葦忠厚也周家忠厚仁及草木故能內睦九族外尊事黃耆養老乞言以成其福祿焉

既醉飽德 樂育太平

鳧鷖君子 繼聖守成

序既醉太平也醉酒飽德人有士君子之行焉 序鳧鷖守成也太平之君子能持

盈守成神祇祖考安樂之也

嘉美成王

假樂攸暨

追溯公劉

戒以民事

序假樂嘉成王也
序公劉召康公戒成王也
成王將涖政戒以民事美公劉之厚于民而獻是詩也

河酌卷阿

召康獻誦

坦園叢稿

詩序韻語

卷一 至

道德當親

吉士當用

序河酌召康公戒成王也
言皇天親有德饗有道也
序卷阿召康公戒成王也
言求賢用吉士也

民勞刺厲

厥惟召穆

板以陳辭

凡伯所作

序民勞召穆公刺厲王也
序板凡伯刺厲王也

周室大壞

蕩蕩以傷

抑以自警

衛武刺王

序蕩召穆公傷周室大壞也厲王無道天下蕩蕩無綱紀文章故作是詩也 序抑衛武公刺厲王亦以自警也

桑柔刺厲

雲漢美宣

芮伯仍叔

各進詩篇

坦園叢稿 詩序韻語

卷一 五

序桑柔芮伯刺厲王也 序雲漢仍叔美宣王也宣王承厲王之烈內有撥亂之志遇裁而懼側身修行欲銷去之天下喜于王化復行百姓見憂故作是詩也

崧高烝民

韓奕江漢

皆尹吉甫

中興嘉讚

序崧高尹吉甫美宣王也天下復平能建國親諸侯褒賞申伯焉 序烝民尹吉甫美宣王也任賢使能周室中興焉 序韓奕尹吉甫美宣王也能錫命諸侯 序江

漢尹吉甫美宣王也能興衰撥亂命召公
平淮夷

宣王常武

有德立事

瞻卬召旻

周幽可刺

序常武召穆公美宣王也有常德以立武
事因以為戒然序瞻卬凡伯刺幽王大
壞也序召旻凡伯刺幽王大壞也旻閔
也閔天下無如召公之臣也

周頌清廟

用祀文王

坦園叢稿

詩序韻語

卷一

維天告廟

太平致祥

序清廟祀文王也周公既成洛邑朝諸侯
率以祀文王焉序維天之命太平告文
王也

維清之奏

象武有製

成王卽政

烈文助祭

序維清奏象武也序烈文成王卽政諸
侯助祭也

天作所祀 先王先公

郊祀天地 昊天以崇

序天作祀先王先公也 序昊天有成命 郊祀天地也

我將祀文 乃在明堂

巡守柴望 時邁之章

序我將祀文王于明堂也 序時邁巡守 祭告柴望也

坦園叢稿 詩序韻語 卷一

書

執競祀武 成康並及

思文配天 上崇后稷

序執競祀武王也 序思文后稷配天也

臣工遺廟 諸侯助祭

噫嘻祈穀 用告上帝

序臣工諸侯助祭遣于廟也 序噫嘻春 夏祈穀于上帝也

二王之後

振鷺來從

豐年報賽

時在秋冬

序振鷺二王之後來助祭也 序豐年秋冬報也

作樂合祖

有瞽伊始

潛紀冬春

薦魚獻鮪

序有瞽始作樂而合乎祖也 序潛季冬

薦魚春獻鮪也

坦園叢稿

詩序韻語

卷一

雝禘大祖

載見諸侯

有客白馬

微子朝周

序雝禘大祖也 序載見諸侯始見乎武王廟也 序有客微子來見祖廟也

武奏大武

象功作樂

嗣王在廟

閔子訪落

序武奏大武也 序閔子小子嗣王朝于廟也 序訪落嗣王謀于廟也

敬之進戒

是在羣臣

小愆求助

用訪賢人

序敬之羣臣進戒嗣王也 序小愆嗣王求助也

載芟春籍

良耜秋報

繹祭賓尸

絲衣以告

序載芟春籍田而祈社稷也 序良耜秋報社稷也 序絲衣繹賓尸也 高子曰靈

坦園叢稿

詩序韻語 卷一

奕

星之尸也

酌告先祖

克成大武

講武類禡

桓桓千古

序酌告成大武也言能酌先祖之道以養天下也 序桓講武類禡也桓武志也

大封于廟

賚予善人

四岳河海

般以時巡

序賚大封于廟也賚予也言所以錫予善人也 序般巡守而祀四岳河海也

駟及有駢

泮水闕宮

魯頌有四

皆美僖公

序駟頌僖公也僖公能遵伯禽之法儉以足用寬以愛民務農重穀牧于圻野魯人尊之于是季孫行父請命于周而史克作是頌 傳僖公考牧史克頌之賦駟 序有駢頌僖公君臣之有道也 序泮水頌僖公能修泮宮也 傳僖公獻捷于大廟 坦園叢稿 詩序韻語 卷一 史克頌之賦泮水 序闕宮頌僖公能復周公之宇也 傳僖公八年始用郊禘史克頌之賦闕宮

那祀成湯

頌存遺老

中宗高宗

烈祖元鳥

序那祀成湯也微子至于戴公其間禮樂廢壞有正考甫者得商頌十二篇于周之大師以那為首 序烈祖祀中宗也 序元鳥祀高宗也

長發大禘

典禮攸隆

終及殷武

爰祀高宗

序長發大禘也

序殷武祀高宗也

是編所登

悉本詩序

誨爾童蒙

衍成韻語

坦園叢稿

詩序韻語
卷一

五

100

